





《續修四庫全書》編纂委員會編

# 續修四庫全書

上海古籍出版社

# 七二八・史部・地理類

水地紀三卷〔清〕戴震撰……………一

西域水道記四卷〔清〕徐松撰……………七三

蜀水經十六卷〔清〕李元撰……………一五五

河紀二卷〔清〕孫承澤撰……………四一九

南河志十四卷〔明〕朱國盛纂 徐標續纂……………四七三

2-1-164/102

# 水地記

〔清〕戴震撰

據北京圖書館藏清乾隆四十二年孔繼涵家抄本影印原書字  
芯高二〇〇毫米寬三〇〇毫米

乾隆丁酉夏四月飲昨同年程吏部魚門來市街衙屬假  
是二書歸抄之水地記乃戴東原先生二十餘年前流傳  
之藁也魚門兄起云未定本稿已夏東原寓于洪刑南  
素人兄處見其手著水地記未嘗偏次置一大篇中手檢  
以相示及抄得是本與東原語及東原曰是年藁若不  
居也遂出其已成之第一卷見付後三日三月十七日而東原  
卒矣檢其遺藁則皆整比蒙水原編而後收作中第四  
第六二冊又不知何人借去惜哉人終俱亡矣因裝齊呈

書檢依記至今水地乃東原謂其未和地師者以其假  
俱自魚門也遂并于後六月初九日託書于書堂影

水地記

中國山川維首起於西尾終於東河水所出其地曰崑  
崙之虛其山曰紫山

禹貢織皮崑崙析支渠搜西戎即叙崑崙今西番名  
枯尔坤譯言崑崙也有三山曰阿克塔沁曰巴尔布  
哈最西而大曰巴顏哈喇其色紫黑產金銀番語謂  
黑哈喇謂富巴顏故納斯稱自山東北至西寧府界  
千四百餘里唐長慶元年大理卿劉元鼎為吐蕃會  
盟使使還吐蕃傳記其所經見曰由洪濟梁西南行  
二千里水益狹春可涉秋夏乃勝舟其南三百里三

山中高而四下曰紫山直大羊同國古所謂崑崙也  
虜曰閭摩黎山東距長安五千里河源其間流澄緩  
東北直莫賀延磧尾殆五百里磧廣五十里北自沙  
州西南入吐谷渾寢狹故號磧尾隱測其地蓋紐南  
之西唐會要大羊同國東接吐蕃西接小羊同北直  
于闐東西千里儀鳳末屬於吐蕃此所言紫山與今  
巴顏哈喇符崑崙之山三成故爾雅釋邱曰三成為  
崑崙邱元使求河源誤以禹貢之積石為崑崙而自  
昔相傳禹本紀山海經淮南鴻烈及水經諸書所言  
崑崙河源輾轉蹈襲鮮能證實史記大宛列傳張騫

使西域還為天子言于寘之西寘關古水皆西流注西海其東則東流注鹽澤鹽澤潛行地下其南則河源出焉多玉石河注中國而樓蘭姑師色有城郭臨鹽澤鹽澤去長安可五千里鹽澤今西蕃呼羅布淖爾在安西府西北邊外此明言河注中國源出鹽澤南下乃云其後寢死漢使窮河源源出于寘其山多玉石米來天子案古圖書名河所出山曰崑崙云則于寘河注鹽澤者之源非寢所指注中國河源也漢書西域傳西域以孝武時通在匈奴之西烏孫之南南北有大山中央有河東西六千餘里南北千

餘里東則接漢阮以玉門陽關西則限以蔥嶺其南山東出金城與漢南山屬焉其河有兩源一出蔥嶺山一出于闐于闐在南山下其河北流與蔥嶺河合東注蒲昌海蒲昌一名鹽澤者也去玉門陽關三百餘里廣袤三百里其水亭居冬夏不增減皆以為潛行地下南出于積石為中國河云玉門關在故壽昌縣西百一十八里陽關在縣西六里壽昌本漢龍勒縣地今安西府西百五十里有壽昌城鹽澤去玉門陽關千三百餘里前後漢書皆脫去千字山海經雖語多荒略雖然不一其說然亦間有據依其一云敦

薨之山敦薨之水出焉而西流注于沕澤出于崑崙之東北隅實惟河源郭景純注云即河水出崑崙之滄廩道元水經注序敦薨之水自焉耆國北逕連城渠犂南流會于闐蔥嶺水注沕澤沕澤亦鹽澤異名此同於張騫所指中國河源由鹽澤潛行地下南出殆有見于所謂星宿海者其泉千百泓散如列星疑為于闐蔥嶺千有餘里之水伏而復出歟今番人亦多言鹽澤南積地數百里往往有小水出成澤為潛行之微者之禹貢於西戎舉其大者三國崑崙屬國名則所賅固不一山而中國河源所出之山最顯

著耳爾雅河出崑崙虛亦不曰山察其地勢山脈自紫山西連磬石山今西蕃呼巴撒通拉木在刺撒伊打箭爐西北三千四百八十里無又南迤西連接恒城有大廟西番呼伊克格水所出山今番語呼岡底斯者譯言聲山水根也值西寧府西南五千五百餘里餘縣互二千里皆古崑崙之虛也聲水出磬石山與河源相去厯三百六十餘里中隔一嶺即巴顏喀喇之嶺聲水亦呼磬牛河語之轉為麗水今名金沙江西番呼木魯烏蘇至喀木境近雲南麗江府之北又呼布賴楚明洪武十一年命宗泐往西番十五年還宗泐言河源出抹必力赤巴山番人呼黃河為抹處磬牛河

為必力處赤巴者分界也其山西南所出之水則流入犛牛河東北之水是為河源必力處即布類楚聲之轉也岡底斯水經注謂之阿稱達山直古且末國南隋大業五年初平吐谷渾於且末城置且末郡唐貞觀八年遣李靖等攻吐谷渾靖督諸軍經積石河源至且末窮其西境水經注序阿稱達山敷水其北流者逕且末城西左會于開蔥嶺之水入鹽澤西流者逕于開安息右會蔥嶺西流之水入雷霸海恒水則南流入南海用是知由岡底斯延綿而西北抵蔥嶺寶羣山之大脊山海經西海之南流沙之濱赤水

之後黑水之前有大山名崑崙之邱此語亦有據依者之一西漢志為僊海水經注一名卑采菴海一名青海流沙唐書所稱磧尾赤水今之金沙江黑水今之潞江亦作越江應邵曰禹貢析支屬雍州在河關之西東去河關千餘里羌人所居謂之河曲羌司馬彪曰西羌者自析支以西潛于河首左右居也後漢書作賜支永元中迷唐率部落遠依賜支河曲涼土異物志曰古渠搜國在大宛北界據是言之河源已南唐吐蕃今西藏之境古崑崙國在焉積石已東北今青海之境古析支在焉而漢通大宛西域踰蔥嶺而

西古渠搜在焉三地大小諸國通稱西戎繫于雍州形勢蓋可得而詳也

河北之山崑崙東千里而近曰積石禹貢導河積石其山自紫山岐分循河北岸而東積石之西紫山之東臨星宿海者曰布虎吉魯魁亦名枯尔坤山有數峰又東曰阿克塔齊欽有兩峰望之如馬耳又東曰烏藍得什南至扎凌淖尔四十里山高頂平又東有巖巖險多瘴氣曰牟布拉克西南至鄂凌淖尔五十里又東曰寒多嶺又東大山曰馬尼圖西南至鄂凌淖尔百二十里其嵯嶺有昔人刻

識又東曰碧柳圖三山其南有山狀如牛曰阿喇克又東曰密里克西至河濱八十里山有峰如屏有山連如布又東禹貢之積石也值西寧邊外西南五百餘里漢志金城郡河關積石山在西南羌中是也河關故縣在今西寧府西南邊外番語謂祖阿木尼謂色斑駁瑪勒占謂冰水逕故呼積石山曰阿木尼瑪勒占水逕其山有九峰繚互三百餘里河行山南繞東麓轉西即渠寅河源記所言河繞山之三面如玦然其西南山值河之東曰哈爾吉東有山二峰高峻曰阿木尼殼應古尔板凡曰阿木尼者皆番人所望祭大山河西轉之左



曰烏藍芒奈有嶺北枕河曰哈爾吉盛夏積雪多瘴氣元史地理志都實言甘思東北有大雪山多亦耳麻不莫刺其山最高譯言騰乞里塔番語謂天騰乞里塔者言平處即崑崙也山腹至頂皆雪冬夏不消此云崑崙者誤水經注唐述山隋唐間始有小積石之目魏王泰括地志云大積石山在吐谷渾界小積石山在枹罕縣西北縣今河州元和郡縣圖志鄯州龍支縣府在今西寧南積石山在縣西九十八里河州枹罕縣積石山在縣西北七十里又云四瀆之中河源最高從高注下其流峻急禹貢導河積石至于龍門又曰導洛自熊

六

耳按洛水出上洛西山經熊耳之北所言導者皆謂紀所施功不必有其源也則吉甫直以小積石當禹貢之積石而為之說此山在鄜道元注水經時尚不名小積石而太子賢注後漢書杜佑作通典乃與序吉甫同誤後儒以之解經至元人遂誤以大積石為崑崙矣河之西岸青海西南三百餘里曰占尔板依馬圖三山多羅淖尔在是山之麓東北曰燕羅巴顏哈喇多冷瘴山有石崖色黑其東嶺曰蘇羅嶺在青海南少西二百餘里河北岸青海南百里有岡曰巴爾拖羅海岡環青海十有五山番人皆呼烏爾圖青

海中小山曰龍駒島近西岸有峰曰棟漢東西對峙魏書吐谷渾傳青海周圍千餘里海內有小山每冬冰合後以良牝馬置此山來春收之所生之駒號為龍種吐谷渾嘗得波斯馬放入海因生駒駒能日行千里世傳青海驄者是也隋書大業五年置馬牧于青海渚中以求龍種無效而止

鮮水西北白龍堆沙之東曰三危是山不協禹貢之文其名蓋後起也

鮮水今之青海番名呼呼淖尔值沙磧之東西寧府之西肅州甘州之南積石之北漢志敦煌郡正西關

七

外有白龍堆沙蒲昌海西域傳鄯善本樓蘭國最在東垂近漢當白龍堆乏水草元和郡縣圖志沙州燉煌縣三危山在縣南三十里山有三峰故曰三危邊衛志白龍堆在沙州衛西沙形蜿蜒如龍或十餘丈或四三丈變改無定東倚三危北望蒲昌為極西要路三危山在衛東南衛本漢敦煌郡考之虞夏書曰窺三苗于三危曰黑水西河惟雍州曰三危既宅三苗不叙曰華陽黑水惟梁州曰導黑水至于三危入于南海河既行積石之南東北屈曲過雍州之北折南左右冀雍之間為龍門西河南抵華陰而河所出

山自枯尔坤西南接岡底斯西北為于闐南山直抵  
蔥嶺則河北之水不得絕之而南以入南溟今所謂  
三危山者其下亦無水逕通為貴之黑水三危不在  
河北甚明屈原賦天文篇曰黑水玄趾三危安在  
河源之西南三百餘里為金沙江之源又東南五百  
餘里為潞江之源四周大山中平野有澤曰布哈澤  
餘里為額爾根澤又東北流之東其水西北流百  
爾里而東南百五十餘里為哈爾河色黑故  
西番名是黑河哈爾河為蘇潞江自發源即成池三危  
番語謂黑哈爾水為蘇潞江自發源即成池三危  
黔黑北二百八十里其池殆所謂玄趾者歟三危蓋  
其所經之地歲久名湮無從證實耳

八

于雍州言之此水導源三池去河源金沙江源不遠  
三源設置如斯足皆在岡底斯東北然則雍之西南  
境至此水上游梁之西境至此水可無疑也左氏春  
秋王便唐桓伯辭於晉曰先王居櫟于四裔以禦  
螭魅故允姓之姦居於瓜州瓜州漢敦煌也允姓所  
居在瓜州三苗所居在三危後世失傳而一之因命  
一山為三危而禹貢三危久沒于西戎周人已莫能  
言其處瓜州直折支西北三危蓋值崑崙東歟  
北  
迤東曰嘉峪  
山在今肅州西七十里山之西麓即嘉峪關讀史方

輿紀要云國初收河西地西抵玉門北至沙漠而仍  
以嘉峪為中外巨防

弱水所出山曰窮石

淮南子言弱水出窮石漢志張掖郡刪丹桑欽以為  
導弱水自此西至酒泉合黎許叔重說文解字山  
或曰弱水之所出而十六國春秋又謂之蘭門山格  
地志蘭門山一名合黎一名窮石山在刪丹縣西南  
七十里以弱水所出山無有合黎之目蓋誤

北  
迤西曰合黎

禹貢導弱水至于合黎其山在今甘肅府北四十里

九

西北至高臺縣石峽口延袤三百里石峽口在鎮夷  
城西北七里亦名羗谷口漢志之羗谷水今呼張掖  
河俗呼黑河蓋弱水之別源鎮夷城東南至高臺縣  
百二十里縣舊為高臺所陝西行都司志云黑河在  
高臺所北二百步在鎮夷城西四里又云傍合黎山  
出羗谷口北入亦集乃界元有亦集乃路在甘肅東  
北千五百里其東北大澤即居延澤也

河湟之北大山曰祁連山

山在今肅州南百六十里張掖縣西百里之黎園堡  
南九十里西河舊事祁連山在張掖酒泉二郡界上

東西一百餘里南北百里有松栢五木美水草山中冬溫夏冷宜牧放牛羊充肥乳酪美好焉者山東西百餘里南北二十里水草茂美宜畜牧與祁連同匈奴失祁連焉者二山乃歌曰亡我祁連山使我六畜不蕃息失我焉者山使我婦女無顏色焉者一作焉支元和郡縣圖志甘肅張掖縣今甘肅祁連山在縣西南二百里刪丹縣元以後作山并今屬甘肅焉支山在縣東南五十里今縣東南四十里曰石峽堡山在新河堡南五里石峽唐書吐谷渾傳渾水至濛谷抵龍泉與河合故舉世謂西戎地曰河湟元史地理志朱思本

十

曰湟水自祁連山下正東流千餘里注浩疊河與黃河合

踰儲野之南河西大山曰賀蘭山

山在今寧朔平羅寶豐三縣西界元和郡縣圖志靈

州保靜縣在今靈州東北賀蘭山在縣西九十三里

山有樹木青白望如駿馬北人呼駿馬為賀蘭故名

其山與河東望雲山形勢相接迤邐向北經靈武縣

西北又西北經保靜西又西北經懷遠縣西今寧

夏府又北經定遠城西城在新渠縣北又東北抵河

其抵河之處亦名乞伏山從首至尾有像月形南北

約長五百餘里真邊城之鉅防山之東河之西有平田數千頃可引水灌溉如畫收地利足以贍給軍儲也宋景祐以後西夏據有其地建宮山上山徑五十餘所寧朔縣西南赤木口尤屬要路可容千馬平羅縣北四十里打磴石為山後要路漢志武威休屠澤在東北古文以為儲塹澤姑臧南山谷水所出北至武威入海今涼州府鎮番縣北有武威故城水經注云在姑臧城北三百里姑臧即今武威縣東北至鎮番縣二百里陝西行都司志姑臧南山在涼州衛西南百二十里雪山在永昌衛南百八十里與涼州南

十二

相連炎夏積雪不消亦名祁連山涼州衛今為府永昌衛今為縣東南

至府百今考祁連延袤千里自酒泉張掖至此山勢

相接本一山之所盤迴今寧夏有侍郎通智河源叙

碑利其文云臣通智等奉命西行用繩丈路儀器測

量沿河統行徧歷河源並金沙江鴉蘆江浪滄江怒

江等源過西藏三千里抵恒河源而回已顏哈喇山

在西寧邊外千四百五十六里形勢自金沙江源至

此從此枝分其向西北而下者為三危等山統沙州

安西等處抵嘉峪關直達喀爾喀地在準噶爾之東黑龍江之西鄂

羅斯圖之南東向而下者分隔黃河北西海南至西

馬山與祁連山同屬一山

寧向北而下者至阿木尼額庫山在青海西北邊盤旋大通河源即沽水元史地理志朱恩本南流七百餘里注湟水為甘肅涼之祁連合黎龍首焉支等山龍首山在丹縣西重巒相接抵寧夏為賀蘭山其北二十五里是外向東南已下者沿黃河南岸統至洮河源西傾山分枝四布抵階文松潘散為大小諸山此所序于形勢脈絡大致不爽

### 北河之北高關東曰陰山

河行三受降城之南謂之北河河北大山隨地易名通得陰山之目史記趙武靈王築長城自代竝陰山

十三

下至高關為塞秦始皇三十三年西北斥逐匈奴自榆中徐廣曰在金城今蘭州府治本漢金城縣竝河以東屬之陰山在九原城西北以三十六縣城河上為塞又使蒙恬渡河取高關陶山在今歸化城北假中裝駟云北假與官主以田假築序障以逐戎人漢書竟寧初呼韓邪願保塞因議罷邊備塞吏卒郎中侯應曰北邊塞至遼東外有陰山東西千餘里草木茂盛多禽獸本冒頓依阻其中治作弓矢來出為寇是其苑囿也孝武出師征伐斥奪此地攘之於幕北建塞徵起序隧築外城列屯戍以守之然後邊境得用少安慕北

地平水水草多大沙匈奴來寇少所蔽隱從塞以南徑深山谷往來差難邊長老言匈奴失陰山之後過之未嘗不哭也水經注河水屈而東流為北河漢武帝元朔二年大將軍青絕梓嶺梁北河是也東逕高關南山下有長城長城之際連山刺天其山中斷兩岸雙關善能雲舉望若關焉即狀表目故有高關之名也自關北出荒中關口有城跨山結局謂之高關戍自古迄今常置重桿以防塞道自高關以東夾山帶河陽山以往皆北假也陽山在鐵柱谷西北二百六十里南至黃河鄂爾多斯界五十里今為瓦剌所居本中受降城地始皇三十三年

十三

起自臨洮東暨遼海西竝陰山築長城晝警夜作民勞怨苦故楊泉物理論曰秦始皇使蒙恬築長城死者相屬民歌曰生男慎勿舉生女哺用哺不見長城下尸骸相支拄其冤痛如此矣舊唐書高關北距大磧口凡三百里元和郡縣圖志三受降城景雲三年張仁愿所置先是朔方軍北與突厥以河為界河北岸有拂雲堆神祠突厥將入寇必先詣祠祭醢求福因牧馬料兵而後渡河時突厥默啜盡衆西擊突騎施婆葛仁愿奏請乘虛奪取漠南之地於河北築三受降城首尾相應絕其南寇之路從此六旬而三城

俱就以拂雲祠為中城與東西兩城相去各四百餘里遙相應接北拓三百餘里於牛頭牟卿山北置烽墩千八百所自是突厥不得度山放牧朔方無復寇掠減鎮兵數萬人西受降城東南渡河至豐州八十里北至磧口三百里中受降城北至磧口五百里敬本古城在中城北四十里鄭虔軍錄曰時人以張仁愿河外築三城自古未有今敬本城周萬八百七十二步濠塹深峻亦古之堅守賈耽古今述曰以地理求之前代九原郡城也東受降城東北至朔州四百里北至磧口八百里今考唐開元二年移安北都護

府治中受降城貞觀二十一年鐵勒回訖等十三部  
都護府其東置輪海都護府分領焉廩府州龍朔三  
年改燕然都護府為輪海都護府移置於磧北  
徙輪海都護府於雲中城號雲中都護府以北海  
州安祿輪海東南隸雲中總章二年又改輪海都護府  
為安置屯田二十一年置朔方節度使於靈武三受  
 降城皆屬焉天寶初王忠嗣置振武軍於東受降城  
 東百餘里本漢成樂縣東南去今大同府三百餘里  
 賈耽古今述云振武城在朔州北三百五十里續通  
 典云其地據陰山之陽黃河之北其北七十里有黑  
 沙磧是也天寶八載朔方節度使張齊邱於木刺山  
 築城號橫塞軍以郭子儀為軍使胡詒謂之可敦城

苗

東去中受降城二百餘里十二載安思順奏廢軍請  
於大同川西築城改名天安軍即隋大同城故墟麟  
詰永清柵即隋大東去木剌山二十里去中受降城  
二百二十里西北去西受降城百八十里乾元中  
復西南移四里寄治永清柵柵木開元中所置號天德軍元  
和六年李絳言振武天德左右良田萬頃請擇能員  
閑置營田可以省費足食於是詔以韓重華為振武  
營田和糴水陸運使起代北墾田三百頃連二戍大  
熟請並募人為十五屯屯置百三十人而種百頃令  
各就高為堡東起振武轉而西過雲州界極於中受

降城出入河山之際六百餘里屯堡相望寇來不能  
為暴人得肆耕與中少可以罷漕輓之費朝廷從其  
議列柵十二塹田三千八百餘頃歲收粟四十萬餘  
石既而請益開田四千頃則盡可以給塞下五城振  
天德靈武豐夏五城之軍議格不行元和七年河溢西受降城南  
面多毀壞八年振武師李光進請修城蕪理河防李  
吉甫請移治於天德軍北城李絳盧坦以為舊城當  
磧口據虜要衝得制匈奴上策又豐水羨草邊防所  
利今避河患退二三里可矣柰何捨萬代久安之策  
為一時省費之謀況天德故城僻處碯瘠去河絕遠

烽候警急不相應接虜忽唐突勢無由知是無故而感二百里也城使周懷義奏利害與絳垣同上卒用吉甫策九邊考自陰山而北皆大磧磧東西數千里南北亦數千里無水草不可駐牧中國得陰山則乘高一望寇出沒踪跡皆見必踰大蹟而居其北去中國益遠故陰山為禦邊要地陰山以南即為漠南彼若得陰山則易以飽其方而內犯此秦漢唐都關中必逾河而北守陰山也

河曲外曰綠胡山

山在歸化城之西河水西來觸山麓折而南漢志雲

十六

中郡榆陵其故城在歸化城之西河東為綠胡山在故榆陵縣河西為沙南縣西北水經河水又東過雲中榆陵縣南又東過沙南縣北從縣東屈南過沙陵縣西鄰道元注云河水南入榆陵縣西北綠胡山歷沙南縣東北兩山二縣之間而出余以太和中為尚書郎從高祖北巡親所逕涉縣在山南北去雲中城百二十里縣南六十計里有東西大山山西枕河河水南流脈水尋經殊乖川去之次似非闕究也

汾水所出曰燕京之山桑乾水所潛也

山在寧武縣西南四十里漢汾陽縣地山之盤踞隨

地異名曰管涔山曰樓子山曰蘆芽山漢志太原郡汾陽縣故城在今陽曲北山汾水所出水經注云山瀝經管涔之山汾水出焉十三州志曰出武州之燕京山亦管涔之異名也其山重阜脩巖有草無木泉源導於南麓之下蓋稚水潑流耳今泉源所出曰樓子山在寧武縣西南六十里又云桑乾水潛承太原汾陽縣北燕京山之大池池在高原之上世謂之天地方八里餘其水陽燠不耗陰霖不溢無能測其淵深也古老相傳言嘗有人乘車于池側忽過大風飄之於水有人獲其輪于桑乾泉故知二水潛流通注矣池東隔阜又有一石池

十七

今名元池在天池東七里許方可五六里清深鏡潔不異天池元和郡縣圖志云靜樂縣本漢汾陽地管涔山在縣北百三十里天池在縣北燕京山上後魏孝文帝以金珠穿魚乙頭投此池後亦于桑乾泉得之

汾西河東自燕京別而南離石水所出口梁山

山在今永寧州東北百三十里東接交城縣界北連赤嶺嶺接嵐縣界西踰谿谷為臨縣二名呂梁禹貢冀州既載壺口治梁及岐舊說云壺口在冀州梁岐在雍州從東循山治水而西蘓子瞻云梁岐二山在雍州今于冀言之者因河而言非以二山為冀州之

地也魯彥和云壺口梁岐一役也其施功皆同時不可  
分言于二州故併言于冀也王伯厚困學紀聞云治  
梁及岐苦從古注則雍州山距冀州甚遠關百詩云  
口止隔一河耳不得謂甚遠考伯厚之言乃以自梁  
及岐其東西相去甚遠不當偏舉一梁山其語有  
考壺口太原不相涉以道用水經注以為呂梁  
岐晁氏王氏之說是也考禹貢之文自西而盡于東  
故先壺口以見龍門西河就治而次梁岐次太原岳  
陽次覃懷次衡漳或舉山或舉地梁岐之西水歸於  
河梁岐之東水歸于汾此二山為汾川以西羣山自  
北而南之脊舉之以見汾西河東其地就治太原則

六

見汾東之地就治岳陽在汾東沁西覃懷在沁東而  
南近河衡漳則漳水過臨漳而入河北注觀此數語  
冀州所宜治者全具于是不得謂壺口一役兼及河  
西雍州也况韓城之梁山雖近河而謂北之岐山遠  
隔在漆沮涇水之西誠使越漆沮涇水至于岐下則  
雍州有渭以北所當治者幾于備舉又于雍州言涇  
屬渭泗漆沮既從荆岐既旅此三語為複大矣禹貢  
先分九州後復統記山川分者定其疆域合者見其  
條貫獨于發端之始以雍州山隸冀州何取乎先分  
後合示人以截然有限域者乃復清紊其間歟然謂

禹貢梁岐即今永寧州之呂梁孝義縣之狄岐亦有  
未盡如淮出桐柏渭出鳥鼠後人舉其枝山曰淮出  
胎簪渭出南谷蓋古者統以一名後人往往隨地殊  
稱今考亦秩孝文呂梁劉王碑諸山實一山之所盤  
迴薛頤狄岐高堂玉泉諸山亦一山之所盤迴禹貢  
之梁岐統名也今之呂梁狄岐特其中之一耳蔡仲  
默書集傳亦取晁氏說而援據悉謬近聞百詩胡壯  
明皆深于考訂者咸謂蔡傳為非固失在蔡氏不在  
晁氏以道蔡傳一引爾雅左氏較梁證晉山宜屬冀州  
蔡傳云爾雅梁山晉望即冀州呂梁也春秋梁  
山崩左氏較梁皆以為晉山則亦指呂梁矣不知

十九

春秋時自魯文公十年晉人伐秦取少梁梁山由是  
入晉迨後三晉既分自河以西瀕于洛猶屬魏地火  
梁之梁山實河西大山故晉望祭之列國所望祭山  
川及晉河東望祭之山爾雅絕不一言而獨曰梁山  
晉望也正以河而近秦故特表之成公五年梁山崩  
壅遏河三日不流晉君召伯宗而問焉皆非離石呂  
梁一引呂覽蔡傳云呂不韋曰龍門未聞  
呂梁未繫河出孟門之上語出尸子  
淮南鴻烈亦繫之所稱呂梁未繫雖後人失其所在  
而離石縣之呂梁西距河百五十餘里隔越重山不  
瀕于河無事疏鑿也一引酈道元水經注蔡傳云酈  
道元謂呂

梁之石崇疎河流激盪震動天  
地此為治壺口乃治梁也其本文云河水左合  
一水出著無縣故城西南八十里善無故城在今平角右王縣南  
西流歷于呂梁之山而為呂梁洪其巖層岫衍潤曲  
崖深巨石崇疎壁立千仞河流激盪洶涌波袞雷奔  
電洩震天動地昔呂梁未開河出孟門之上蓋大禹  
所開以通河也司馬彪曰呂梁在離石縣西今于縣  
西歷山尋河乃無過阻至是為河之巨險即呂梁矣  
在離石北以東可二百有餘里後人以河曲縣西南  
二十五里之天橋峽為道元所謂呂梁洪就水經注  
自北而南之次考之地望適協其地有禹鑿之跡河

二

自故寨勝州境轉而西南流八十里至河曲縣西北  
轉而西流九十里逕天橋峽下至保德州西五十里  
折而南逕興縣西又南百七十里至臨縣界道元言  
呂梁洪在離石北以東可二百餘里蓋據河至離石  
縣界為言因西流乃轉南故曰以東其指天橋峽無  
疑司馬彪言呂梁在離石縣西者即今永寧州北之  
呂梁徒因離石縣有呂梁山而河行離石之西故云  
在縣西實未深考之言道元引而辨之則以離石西  
界河無過阻故溯流而上以求其地是道元以尸子  
呂覽淮南所言呂梁不在離石而遠在其北也蔡氏

援以證呂梁在離石正與其說相刺謬宜乎百詩臆  
明不之取耳

### 黃樞之南勝水所出曰岐山

黃樞嶺在汾陽縣西六十里永寧州東百有五里東  
魏武定中齊獻武出北道度赤嶺嶺斛律金為南道  
軍司隸黃樞嶺出與之會前代嘗置閼嶺上憑高為  
固岐山在孝義縣西百里一名孤岐西接寧鄉縣界  
北連靜顏嶺接汾陽縣界其南坳曲間曰盤重原原  
東豁澗俗呼曰北川東入勝水由原左轉連岡而南  
曰高唐山東北距孝義縣治七十餘里其南麓豁澗

三

俗呼南川逕故大壁府北東入勝水唐武德二年置  
高唐縣以山氏縣又連岡而南迤東曰玉泉山東北  
距縣治六十餘里山之東北麓豁澗俗呼左水者是  
為勝水逕故六壁府南又東合南北二川自靜顏至  
玉泉實一山盤屈而下古通謂之岐山蔡仲默書集  
傳言岐山在介休縣取山海經孤岐之山勝水出焉  
而東北流注于汾水者綴其下又引鄴道元水經注  
蔡傳岐山在今汾州介休縣孤岐之山勝水所出東  
北流注于汾縣道元云後魏于孤岐置六壁防離石  
諸胡因焉大鎮今六壁城在按之本文乃云勝水西  
出孤岐之山東逕六壁城南魏朝舊置六壁于其下



防離石諸胡因為大鎮勝水又東合陽泉水即南又東逕中陽故城南又東合文水文水又東南入于汾中陽故城即孝義縣治是山澗經水經注之狄岐在今孝義縣西宋熙寧五年省孝義入介休元祐元年復置孝義縣至仲默時已為金地無所廢置當據元祐以後言在今汾州孝義縣不當據前此熙寧元豐十餘年間繫之介休也今介休東南洪山俗以爲狄其下言今六壁城在勝水之側實古河逕之險其介休東南洪山俗以爲狄而東之津要不知北魏初河東岸離石吐京之地萬

三十二

山簇擁悉匈奴五部餘衆所居憑恃山險未能即平至狄岐以東汾川左右地勢坦平連接太原本漢太原郡地故于此置六壁立為鎮戍以防狄岐以西黃河以東山寇西距黃河二百餘里不可謂為河逕之險阮呂梁狄岐之西始為今臨縣永寧州及寧鄉石樓山在四州縣之東而蔡氏云二山河水所經治之所以開河道也將置此四州縣峻峰鉅嶺萬山簇擁者于何地乎然山澗經言勝水注于汾而水經注言注文水則因汾川東西轉徙驗之近事數年以前原公水以下諸豁澗皆自達汾水不與水經注協今則

皆入文水一如道元所見余以己丑年遊其地登呂梁黃樞薛頤狄岐及汾東隸山親所經見乃曉然蓋貢之文惟壺口屬治河餘則治汾沁漳潞暨其間諸山澗豁谷閭百詩尚書古文疏證云壺口在吉州西七十里與河津縣西北三十里之龍門相連河津縣之山與壺口山中與隔河之梁山對峙經文遂連類而書實有出于某州某山常例之外者胡融明高貢雖指云治梁所以終壺口之事除河患也其遂及岐者何蓋治梁已畢若身遽渡河而東則東方之事正多不能遽還治雍當在數年之後而梁岐之間其於

三十三

帝都事勢當日必有甚切而不容緩者故治梁之餘乘便施功及岐而止又洪水和平艱食未奏冀田廬第五等而梁岐之間去帝都最近田既膏腴轉輸又便禹甸梁山之野通渭水之漕其為帝都艱食計也切矣及岐而止者蓋岐西地高仰洪水不為災而東方事急亦無暇西略故也二君咸申龜鏡以梁岐為雍州山夫禹貢先分別九州初非于其間又牽合治水之先後緩急也使冀州施功西燕及雍且遼蹕漆沮涇水而西不唐大半治之則南亦可燕及豫東亦可燕及兗豈無相連之勢施功同時者乎至推言雍